


MIZORAM PRESBYTERIAN CHURCH

(Presbyterian Church of India)

Moderator : Rev. R. Lahmingthanga
Secretary (Sr) : Rev. R. Vanlalngbaka
Secretary (Jr) : Rev. Vanlalrova Khiangte
Fin. Officers : Rev. B. Sangthanga
Rev. Lalramliana Pachuau
Statistician : Upa C. Lalbiakthanga



Sr. Executive Secretary
Rev. Lianhmingthanga Sailo

Executive Secretary
Rev. B. Sangthanga
Rev. K. Lalrinmawia

MIZORAM SYNOD

SYNOD OFFICE, AIZAWL - 796001, MIZORAM, INDIA

Ph: (0389) 2326372/2322285/2335821/2324448; Email: mizoramynod@gmail.com; Fax: 0389-2322132

No.MS/PAS-32/2019/66/ 786(A)

Dt. 22.8.2019.....

To

The Secretary,

Presbytery

Mizoram Presbyterian Church

Subject : **Moderator thuchah**

Rawngbawlpui duh tak,

Kan Lalpa Isua Krista hmingin chibai ka bûk che u. Presbytery Inkhawmpui hlim tak leh hlâwk taka hmang turin duhsakna ka hlân a che u.

Pathian khawngaihna avangin kan Kohhran hian kawng hrang hrangin hma kan sawn zel a. Kohhran member lo pung zel te, ramthar lama kan rawngbawlnaa ringthar lo pung zel te, Pathian ram thilpek lama hma kan sawn zelna te avang hian Pathian hnenah lawmthu kan sawi a; Kohhranhote inpumkhatna leh thawh hona tha tak avang tein lawmthu kan sawi bawka a ni.


Tun tum Presbytery Inkhawmpui chung hian hengte hi lo chhinchhiah a, a tul anga hma in lo lâk theih chuan a lawmawm khawp ang:

1. Kumin 2019 chhunga Pastoral Ministry thupui chu "*Thlarau rah - Insûmtheihna*" (Galatia 5:23(b)) a nih kha. Hei hi Pastor leh Kohhran Upa te, thuhrlitu dangte pawhin ngaipawimawh a, a remchanna hun leh hmunah lo sawi thin turin kan han chah nawn leh che u a ni.
2. Tunlai hian kan ramah HIV-AIDS natna hlauhawm tak chu a lo hluar ta hle mai a. India ram pumah pawh tehna thenkhatah chuan HIV hrik pai tam berna State kan lo ni ta hial awm e. He natna hlauhawm tak mai laka invenna leh dona kawngah hian Kohhranten tih theih pawimawh tak tak kan nei ngei ang tih a rinawm. Synod 2017-ah pawh "*HIV/AIDS dona kawnga chak zawka hmalak tha kan ti a, SEC-in lo bawhzui rawh se,*" tia rel a lo nih tawh kha (Synod 2017:3). Hma pawh theih ang anga lak mêk zel a ni. Hemi chungchang hi inkhawmpui chhunga inpawl hona thupui atan lo hmang thei ula a lawmawm khawp ang. Hetiangin: Thupui - *HIV-AIDS laka invenna leh dona kawnga Kohhranin hma a lak dan tur* tih ni se.
3. Kan ram, Mizoram-ah hian tharum thawhna leh thisen chhuahna thlen thu hriat tur a awm fo va. Pawisawi lo sawisak rawn chiam te, sum duh vanga nunna

inlaksak nia lang te, nupa kara râwng taka kut thlâk leh inthah hial te, khawlaia insual luh luh te, a chhan hriat tur awm mumal si lo tualthihna te a tam hle mai. Tharum thawh leh thisen chhuah te, nunna inlaksak te hi Pathian huat zawng tak a ni a, ringtuten kan tih loh tur a ni. Kohhranten kan duh lohzia leh kan do tlat a ni tih kan tihlan a t̄ul hle mai. Hemi thu-ah hian a theih ang ang hma la a, kan pulpit sermon-ah te pawh sawi ni se a lawmawm khawp ang. Tualchung Kohhran Social Front Committee te'n thuziak târ zâwngte pawhin hma lâk ni se a duhawm hle.

Lalpa'n awmpuuiin malsawm che u rawh se.

I rawngbawlpui,



(REV. R. LALHMINGTHANGA)
Moderator,
Mizoram Presbyterian Church Synod